

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
GRAD ZENICA
GRADONAČELNIK

Broj: 02-45-19153/21
Zenica, 20.09.2021. godine

STRUČNA SLUŽBA GRADSKOG VIJEĆA

PREDMET: Materijali, dostavljaju se

Poštovani,

U prilogu ovog akta dostavljam vam:

1. Prijedlog Rješenja o imenovanju zamjenika Gradskog pravobranioca u Gradskom pravobranilaštvu Zenica i
2. Izvještaj o sprovedenom Javnom oglasu za imenovanje Gradskog pravobranioca u Gradskom pravobranilaštvu Zenica od 17.09.2021. godine.

Molim da se gore naznačeni materijali dostave Gradskom vijeću Zenica na razmatranje.

S poštovanjem,



GRADONAČELNIK

[Signature]
Fuad Kasumović

DOSTAVLJENO:

1x Naslovu
1x U spis
1x a/a

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

OBRADIVAČ:

*Komisija za imenovanje zamjenika
Gradskog pravobranioca u
Gradskom pravobranilaštvu Zenica*

PRIJEDLOG

RJEŠENJE
O IMENOVANJU ZAMJENIKA GRADSKOG PRAVOBRANIOCA
U GRADSKOM PRAVOBRANILAŠTVU ZENICA

Zenica, septembar 2021. godine

Na osnovu člana 33. Zakona o pravobranilaštvu („Službene novine Zeničko - dobojskog kantona“, broj: 12/13), člana 11. i 12. Odluke o osnivanju Gradskog pravobranilaštva Zenica („Službene novine Grada Zenica“, broj: 4/15 i 7/21), člana 21. tačka 18) Statuta Grada Zenica („Službene novine Grada Zenica“, broj: 5/15) i člana 45. Poslovnika Gradskog vijeća („Službene novine Grada Zenica“, broj: 4/17), Gradsko vijeće Zenica, na _____ sjednici, održanoj dana 30.09.2021. godine, donijelo je

RJEŠENJE
o imenovanju zamjenika Gradskog pravobranioca
u Gradskom pravobranilaštvu Zenica

I

EDINA GAZIĆ, VSS, diplomirana pravica s položenim pravosudnim ispitom, imenuje se za zamjenicu Gradskog pravobranioca u Gradskom pravobranilaštvu Zenica.

II

Imenovana se imenuje za obavljanje službe bez ograničenja trajanja mandata.

III

Ovo rješenje stupa na snagu danom donošenja istog i objavit će se u „Službenim novinama Grada Zenica“.

Broj:
Zenica, _____ godine

PREDSJEDAVAJUĆI
GRADSKOG VIJEĆA

Mirza Husetić

DOSTAVLJENO:

1x Edina Gazić,
1x Gradsko pravobranilaštvo Zenica,
1x Služba za finansije,
1x Stručna služba Gradskog vijeća,
1x „Službene novine Grada Zenica“,
1x a/a.

OBRAZLOŽENJE

I PRAVNI OSNOV

Rješenje o imenovanju Gradskog pravobranioca zasniva se na sljedećem:

- 1. odredbama člana 33. Zakona o pravobranilaštvu („Službene novine Zeničko-dobojskog kantona", broj: 12/13), kojima se utvrđuje da funkciju općinskog pravobranioca vrše općinski pravobranioac i njegov zamjenik, te da općinskog pravobranioca i njegovog zamjenika imenuje i smjenjuje općinsko vijeće na prijedlog općinskog načelnika u postupku utvrđenim istim zakonom i u skladu s posebnim propisima,*
- 2. odredbama člana 11. i člana 12. Odluke o osnivanju Gradskog pravobranilaštva Zenica („Službene novine Grada Zenica", broj: 4/15 i 7/21), kojima se utvrđuje da Gradskog pravobranioca i njegovog zamjenika imenuje i smjenjuje Gradsko vijeće na prijedlog Gradonačelnika u postupku utvrđenim Zakonom o pravobranilaštvu (Službene novine Zeničko-dobojskog kantona", broj: 12/13), a u skladu s posebnim propisima, te da se zamjenik Gradskog pravobranioca imenuje za obavljanje službe bez ograničenja trajanja mandata,*
- 3. odredbi člana 21. tačka 18) Statuta Grada Zenica („Službene novine Grada Zenica", broj: 5/15), kojom se utvrđuje da Gradsko vijeće u okviru svojih nadležnosti, između ostalog, imenuje, bira i razrješava druge osobe određene zakonom, Statutom i odlukama, te daje suglasnost na imenovanja, izbor i razrješavanja kada je to propisano,*
- 4. i odredbi člana 45. Poslovnika Gradskog vijeća („Službene novine Grada Zenica", broj: 4/17), kojom se utvrđuje da se rješenjem rješava o pojedinačnim stavovima.*

II RAZLOZI DONOŠENJA

Zbog objektivno utvrđenog povećanog obima posla, te potreba za povećanjem nivoa pravne zaštite imovine i imovinskih interesa grada, Gradsko vijeće Zenica je na svojoj 12. sjednici, održanoj dana 22.07.2021. godine, donijelo Odluku o izmjeni Odluke o osnivanju Gradskog pravobranilaštva Zenica ("Službene novine Grada Zenica", broj: 7/21), čime je izvršena izmjena člana 10. i člana 20. i tako utvrđena mogućnost povećanja broja zamjenika Gradskog pravobranioca, a što je dalje bilo potrebno utvrditi Pravilnikom o unutrašnjoj organizaciji Gradskog pravobranilaštva Zenica.

S tim u vezi, Gradski pravobranilac je, dana 02.08.2021. godine, donio Pravilnik o unutrašnjoj organizaciji Gradskog pravobranilaštva Zenica, broj: R-4/15 i utvrdio broj zamjenika Gradskog pravobranioca.

U skladu s naprijed navedenim, Gradonačelnik Grada Zenica je objavio Javni oglas za imenovanje zamjenika Gradskog pravobranioca u Gradskom pravobranilaštvu Zenica, a shodno odredbama člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 34/03 i 65/13) i člana 33. Zakona o pravobranilaštvu ("Službene novine Zeničko-dobojskog kantona", broj: 12/13), navedeni javni oglas objavljen je u dnevnom listu "Oslobođenje" dana 07.08.2021. godine, na web stranici Grada Zenica dana 09.08.2021. godine i u "Službenim novinama Federacije BiH", broj: 63/21 od 11.08.2021. godine. Osim općih uslova, navedenim javnim oglasom postavljeni su i posebni uslovi, propisani članom 13. stav (2) Odluke o osnivanju Gradskog pravobranilaštva Zenica, a po osnovu kojih se za zamjenika Gradskog pravobranioca može imenovati osoba koja ispunjava sljedeće uslove:

- VSS - VII stepen stručne spreme,*
- diploma visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja pravne struke,*
- položen pravosudni ispit i*
- iskustvo u radu na poslovima u pravobranilaštvu, pravosudnim organima i drugim državnim organima, preduzećima i drugim pravnim osobama u trajanju od najmanje tri godine nakon položenog pravnog ispita, kao i druge uslove utvrđene posebnim propisima.*

Prijave na Javni oglas bilo je potrebno dostaviti u roku od 15 dana od dana objave istog u glasilu koje je posljednje objavilo javni oglas.

Komisija za imenovanje zamjenika Gradskog pravobranioca u Gradskom pravobranilaštvu Zenica, imenovana Rješenjem Gradonačelnika broj: 02-45-18462/21 od 09.09.2021. godine, imala je zadatak da provede proceduru izbora kandidata po prijavama podnesenim na Javni oglas. Komisija je imenovana u sljedećem sastavu: Almira Baručija Kapidžić, rukovoditeljica Službe kabineta Gradonačelnika, predsjednica Komisije i Članovi Komisije Zlatko Osmanović, Gradski pravobranilac, Emir Delić, pomoćnik Gradonačelnika za imovinsko-pravne, geodetske poslove i katastar nekretnina, Amra Mehmedić pomoćnica Gradonačelnika za privredu i upravljanje razvojem i Naila Muratović Šogolj, viši stručni saradnik za normativno - pravne poslove (u daljem tekstu: Komisija).

Shodno tačkama II i III označenog rješenja, u smislu procedure izbora kandidata za imenovanje na predmetnu poziciju, Komisija je imala za zadatak da sve kandidate koji ispunjavaju uslove utvrđene javnim konkursom pozove na intervju, sastavi listu kandidata koji ispunjavaju kriterije, te da listu s izvještajem dostavi donosiocu rješenja, odnosno Gradonačelniku, u svrhu pripreme konačnog prijedloga za imenovanje i upućivanje istog radi razmatranja pred Gradskim vijećem Zenica.

Iz Izvještaja Komisije od 13.09.2021. godine, proizlazi da su pristigle ukupno četiri prijave, sve blagovremeno podnesene od strane kandidata kako slijedi:

- 1. Edina Gazić, diplomirana pravica iz Zenice,*
- 2. Murisa Tuka, diplomirana pravica iz Travnika,*
- 3. Srđan Milešić, diplomirani pravnik iz Zenice i*
- 4. Damir Arnautović, diplomirani pravnik iz Zenice.*

Nakon pregleda navedenih prijava, Komisija je konstatovala da su pristigle prijave uredne, odnosno da sadrže cjelokupnu dokumentaciju traženu predmetnim konkursom.

Potom je Komisija pismenim i usmenim putem obavijestila kandidate s urednim prijavama o terminu održavanja intervjua, a koji je održan dana 17.09.2021. godine, u maloj sali Grada Zenica (Služba kabineta Gradonačelnika - II sprat), s početkom u 10,00 časova. Komisija je radila u punom sastavu. Intervjuu su pristupila tri pozvana kandidata, te je Komisija obavila intervjue s istima, i to kako slijedi:

- 1. Edina Gazić iz Zenice,*
- 2. Murisa Tuka iz Travnika i*
- 3. Damir Arnautović iz Zenice.*

Kandidat Srđan Milešić nije se odazvao na utvrđeni termin u postupku izbora najboljih kandidata, niti je opravdao izostanak prema zakonskim mogućnostima, pa se ima smatrati da je imenovani odustao od dalje konkursne procedure.

Za svako postavljeno pitanje svaki član Komisije je imao pravo i bio obavezan ocijeniti kandidata s ocjenom od 1 do 5. Ocjenjivanje se vršilo odmah nakon obavljenog intervjua sa svakim kandidatom i to na obrascima za ocjenu kandidata, koji sadrže ime i prezime kandidata, jasan sadržaj stručnog pitanja, pojedinačnu ocjenu po svakom od stručnih pitanja, ukupnu ostvarenu prosječnu ocjenu, datum ocjenjivanja, kao i vlastoručni potpis člana Komisije koji ocjenjuje svakog kandidata ponaosob. Ukupna prosječna ocjena za svakog kandidata dobivena je tako što se ukupni broj bodova kandidata od strane svih članova Komisije podijeli sa brojem članova Komisije, odnosno brojem 5.

Nakon obavljenog intervjua, Komisija je jednoglasno ocijenila Edinu Gazić iz Zenice kao najuspješniju kandidatkinju na Javnom oglasu. Za ovakvu jednoglasnu ocjenu Komisija se opredijelila na osnovu ukupne ostvarene prosječne ocjene koju je imenovana ostvarila na sprovedenom intervjuu, kao najkvalitetnijeg kandidata s ukupno ostvarenom prosječnom ocjenom 15,0.

III POJAŠNJENJE SKRAĆENOG POSTUPKA

Imajući u vidu da je u konkretnom slučaju riječ o rješenju, kao pravnom aktu kojim se rješava u pojedinačnoj stvari, odnosno da nije riječ o složenom ili aktu obimne pravne regulacije, to predlagač isto, u skladu s odredbom člana 69. stav (1) Poslovnika Gradskog vijeća (Službene novine Grada Zenica“, broj: 4/17), dostavlja Vijeću na razmatranje u formi prijedloga.

KOMISIJA ZA IMENOVANJA
ZAMJENIKA GRADSKOG PRAVOBRANIOCA
U GRADSKOM PRAVOBRANILAŠTVU ZENICA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

1228

**KOMISIJA ZA IMENOVANJE
ZAMJENIKA GRADSKOG PRAVOBRANIOCA
U GRADSKOM PRAVOBRANILAŠTVU ZENICA**

Zenica, 20.09.2021. godine

GRADONAČELNIK


PREDMET: Izvještaj Komisije, dostavlja se

Poštovani,

u prilogu ovog akta dostavljamo Vam Izvještaj o sprovedenom Javnom
oglasu za imenovanje zamjenika Gradskog pravobranioaca u Gradskom
pravobranilaštvu Zenica sačinjen od strane Komisije za imenovanje zamjenika
Gradskog pravobranioaca u Gradskom pravobranilaštvu Zenica, na dalje razmatranje.

S poštovanjem,

PREDSJEDNICA KOMISIJE



Almira Baručija Kapidžić

DOSTAVLJENO:

1x Gradonačelnik

1x U spis

BOSNA I HERCEGOVINA
FEDERACIJA BOSNE I
HERCEGOVINE
ZENIČKO-DOBOJSKI
KANTON
GRAD ZENICA
**Komisija za imenovanje
zamjenika Gradskog pravobranioca u
Gradskom pravobranilaštvu Zenica**

Zenica, 17.09.2021. godine

IZVJEŠTAJ
o sprovedenom Javnom oglasu
za imenovanje zamjenika Gradskog pravobranioca
u Gradskom pravobranilaštvu Zenica

Članom 33. Zakona o pravobranilaštvu („Službene novine Zeničko - dobojskog kantona“, broj: 12/13) i članom 11. Odluke o osnivanju Gradskog pravobranilaštva Zenica („Službene novine Grada Zenica“, broj: 4/15 i 7/21) utvrđeno je da zamjenika Gradskog pravobranioca imenuje i smjenjuje Gradsko vijeće Zenica na prijedlog Gradonačelnika Grada Zenica.

Komisija za imenovanje zamjenika Gradskog pravobranioca u Gradskom pravobranilaštvu Zenica, imenovana Rješenjem Gradonačelnika broj: 02-45-18462/21 od 09.09.2021. godine, imala je zadatak da provede proceduru izbora kandidata za imenovanje na poziciju zamjenika Gradskog pravobranioca u Gradskom pravobranilaštvu Zenica po prijavama podnesenim na Javni oglas objavljen u dnevnom listu „Oslobođenje“ dana 07.08.2021. godine, na web stranici Grada Zenica dana 09.08.2021. godine i u „Službenim novinama Federacije BiH“, broj: 63/21 od 11.08.2021. godine, a u skladu s odredbama Zakona o ministarskim, vladinim i drugim imenovanjima FBiH („Službene novine F BiH“, broj: 12/03, 34/03 i 65/13).

Komisija u sastavu: Almira Baručija Kapidžić, predsjednica i članovi Komisije: Zlatko Osmanović, Emir Delić, Amra Mehmedić i Naila Muratović Šogolj, dana 13.09.2021. godine, otvorila je prijave i utvrdila da su pristigle ukupno četiri prijave, sve blagovremeno podnesene od strane kandidata kako slijedi:

1. Edina Gazić, diplomirana pravica iz Zenice,

2. *Murisa Tuka, diplomirana pravica iz Travnika,*
3. *Srđan Milešić, diplomirani pravnik iz Zenice,*
4. *Damir Arnautović, diplomirani pravnik iz Zenice.*

Nakon pregleda navedenih prijava, Komisija je konstatovala da su pristigle prijave uredne, odnosno da sadrže cjelokupnu dokumentaciju traženu predmetnim konkursom.

Potom je Komisija pismenim i usmenim putem obavijestila kandidate s urednim prijavama o terminu održavanja intervjua, a koji je održan dana 17.09.2021. godine, u maloj sali Grada Zenica (Služba kabineta Gradonačelnika – II sprat), s početkom u 10,00 časova. Komisija je radila u punom sastavu. Intervjuu su pristupila tri pozvana kandidata, te je Komisija obavila intervjue s istima, i to kako slijedi:

1. *Edina Gazić iz Zenice,*
2. *Murisa Tuka iz Travnika i*
3. *Damir Arnautović iz Zenice.*

Kandidat Srđan Milešić nije se odazvao na utvrđeni termin u postupku izbora najboljih kandidata, niži je opravdao izostanak prema zakonskim mogućnostima, pa se ima smatrati da je imenovani odustao od dalje konkursne procedure.

1. *Kao prva kandidatkinja pristupila je **Edina Gazić**, VSS, dipl. pravica iz Zenice s položenim pravosudnim ispitom od 13.10.2011. godine. Rad u struci započinje pripravničkim stažom u Općinskom sudu u Zenici na referatu u Zemljišnoknjižnom uredu, na kojem je mjestu radila u periodu od 26.02.2007. godine do 25.02.2008. godine. U ovoj pravosudnoj instituciji i službi ostaje do danas, s tim da je u periodu od 26.02.2008. godine do 12.02.2020. godine imenovana radi na radnom mjestu „stručnog saradnika za vođenje zemljišnih knjiga“, na kojoj je obavljala poslove rješavanja i provođenja pravomoćnih odluka sudova i nadležnih organa, ugovora o prometu nekretnina na osnovu kojih se traži upis u zemljišne knjige, te donošenje rješenja u zemljišnoknjižnim predmetima i KPU predmetima, izrađivanja zemljišnoknjižnih izvadaka i svih drugih poslova po nalogu šefa ureda, predsjednika i sekretara Suda i poslova utvrđenih sistematizacijom radnih mjesta za to radno mjesto. Dana 12.02.2020. godine imenovana je postavljena na radno mjesto „šef ZK ureda“, u okviru kojeg obavlja poslove organizovanja i rukovođenja ZK uredom, rješavanja svih vrsta ZK predmeta, pregledavanja dnevne pošte i raspoređivanja u rad uz potrebna uputstva, izrađivanja nacrtu najsloženijih rješenja u Dn predmetima, praćenje propisa i njihovih izmjena, te staranja o stručnom usavršavanju službenika u Sektoru, zatim davanja instrukcija i nadgledanje unosa postojećih pravno valjanih podataka iz starih ZK knjiga u bazu podataka, u složenim predmetima zajedno sa ZK sudijom rješavanje zahtjeva stranaka za upis prava na nekretninama, izrađivanja statističkih i drugih podataka, te vršenje*

drugih poslova iz iz djelokruga Sektora.

2. Kao druga kandidatkinja pristupila je **Murisa Tuka**, VSS, dipl. pravnica iz Travnika s položenim pravosudnim ispitom od 24.05.2018. godine. Prvo radno iskustvo, kao pripravnik, stiče u Agenciji za državnu službu Federacije BiH, Odjeljenje za Kanton Sarajevo i Bosansko - podrinski kanton, a nastavak pripravničkog rada vrši u Općinskom sudu u Travniku. Od 10.06.2008. godine radi u Javnom preduzeću Ceste Federacije BiH d.o.o. Sarajevo, gdje se trenutno nalazi na radnom mjestu „višeg stručnog saradnika za pravne poslove i zastupanje“. Na navedenom radnom mjestu, imenovana obavlja složene poslove u vezi sa zastupanjem JP Ceste Federacije BiH d.o.o. Sarajevo pred sudovima i drugim parničnim, upravnim, prekršajnim i radnim sporovima, poduzima sve procesne radnje u sudskim i drugim postupcima, sačinjava tužbe, žalbe, zahtjeve i druge podneske, te prati zakonske i podzakonske propise vezane za djelokrug rada javnog preduzeća.
3. Kao treći kandidat pristupio je **Damir Arnautović**, VSS, dipl. pravnik iz Zenice s položenim pravosudnim ispitom od 21.10.2013. godine. Rad u struci započinje u 2008. godine u DD „Izgradnja – Inženjering“ Zenica, a sve do 2016. godine radi na poslovima diplomiranog pravnika, gdje između ostalog vrši sastavljanje ugovora iz obligacionih i radnih odnosa, sastavljanje i podnošenje sudu tužbi, žalbi i drugih podnesaka u parničnom i izvršnom postupku, te zastupanja u sudskim sporovima. U navedenoj firmi sredinom 2016. godine preuzima funkciju Direktora, na kojoj ostaje do kraja 2017. godine. U januaru 2018. godine, imenovan je za Zamjenika pravobranioca Općine Vareš, gdje je obavljao poslove iz djelokruga Pravobranilaštva koje utvrdi pravobranilac, a u slučaju kada je pravobranilac bio spriječen ili odsutan zamjenjivao ga je u vršenju svih poslova. Od marta 2020. godine pa do danas radi u vlastitoj advokatskoj kancelariji „Damir Arnautović“, u okviru koje vrši sve poslove zastupanje domaćih i stranih fizičkih i pravnih lica pred sudovima i organima uprave u građanskim predmetima, privrednim sporovima, te odbrana u krivičnim postupcima te drugim oblastima profesionalnog angažmana advokatske kancelarije.

Pored općih pitanja, koje je postavljala predsjednica Komisije, svaki član Komisije je svakom od navedenih kandidata postavio po jedno isto stručno pitanje iz oblasti djelokruga rada pravobranilaštva, lokalne samouprave, obligacionog, parničnog, vanparničnog i stvarnog prava, iz čega proizlazi da su svi kandidati tretirani ravnopravno, sa jednakim mogućnostima za uspješno predstavljanje svojih stručnih znanja, vještina i drugih ličnih kvaliteta, potrebnih za obavljanje dužnosti zamjenika Gradskog pravobranioca.

Za svako postavljeno pitanje svaki član Komisije je imao pravo i bio obavezan ocijeniti kandidata s ocjenom od 1 do 5. Ocjenivanje se vršilo odmah nakon obavljenog intervjua sa svakim kandidatom i to na obrascima za ocjenu kandidata, koji sadrže ime i prezime kandidata, jasan sadržaj stručnog pitanja,

pojedinačnu ocjenu po svakom od stručnih pitanja, ukupnu ostvarenu prosječnu ocjenu, datum ocjenjivanja, kao i vlastoručni potpis člana Komisije koji ocjenjuje svakog kandidata ponaosob. Ukupna prosječna ocjena za svakog kandidata dobivena je tako što se ukupni broj bodova kandidata od strane svih članova Komisije podijeli sa brojem članova Komisije, odnosno brojem 5.

Shodno naprijed navedenom, a na osnovu člana 12. tačka 1. Zakona o ministarskim, vladinim i drugim imenovanjima u FBiH, kao i razmatranja svih raspoloživih podataka i saznanja s obavljenog intervjua s kandidatima, Komisija je utvrdila Rang listu kandidata koji ispunjavaju kriterije za imenovanje na dužnost zamjenika Gradskog pravobranioca u Gradskom pravobranilaštvu Zenica i to kako slijedi:

R. br:	IME I PREZIME KANDIDATA:	UKUPNA PROSJEČNA OCJENA:
1.	EDINA GAZIĆ	15,0
2.	MURISA TUKA	13,2
3.	DAMIR ARNAUTOVIĆ	10,0

Komisija će navedenu rang listu dostaviti Gradonačelniku Grada Zenica na dalje razmatranje, a koji će na osnovu iste sačiniti prijedlog za imenovanje zamjenika Gradskog pravobranioca i potom prijedlog uputiti Gradskom vijeću Zenica na razmatranje i donošenje rješenja o imenovanju u skladu s odredbama člana 33. Zakona o pravobranilaštvu („Službene novine Zeničko-dobojskog kantona“, broj: 12/13) i člana 11. Odluke o osnivanju Gradskog pravobranilaštva Zenica („Službene novine Grada Zenica“, broj: 4/15 i 7/21).

**KOMISIJA ZA IMENOVANJE
ZAMJENIKA GRADSKOG PRAVOBRANIOCA
U GRADSKOM PRAVOBRANILAŠTVU ZENICA:**

1. Almira Baručija Kapidžić
2. Zlatko Osmanović
3. Emir Delić
4. Amra Mehmedić
5. Naila Muratović Šogolj

